

# CONCERTO DE OUTONO

PROGRAMA DE RECUPERACIÓN DO  
PATRIMONIO INMATERIAL MUSICAL DE GALICIA.

ÁULA P. LÓPEZ-CALO  
ACTUS

## A MÚSICA MEDIEVAL EN GALICIA

## MALANDANÇA

ESPERANZA MARA, VOZ  
MANUEL VILAS, ARPA MEDIEVAL  
DIEGO RIJO, CITOLA E ORGANISTRUM  
XURXO VARELA, VYOLA E VOZ  
FRANCISCO LUENGO, VYOLÓN, ORGANISTRUM E DIRECCIÓN

IGREXA DE SANTO AGOSTIÑO XOVES, 5 DE OUTUBRO DE 2023, 20 H



COLEGIO MAYOR UNIVERSITARIO  
**San Agustín**  
Aula P. López-Calo



# CONCERTO DE OUTONO

## A MÚSICA NA GALICIA MEDIEVAL

A Aula P. López-Calo presenta un programa mostrando moitos dos aspectos das publicacións feitas polo eximio musicólogo no eido da música medieval galega. Escoitaremos pezas dos trovadores galegos e do Códex Calixtinus interpretadas con instrumentos medievais reproducidos desde os modelos do Pórtico da Gloria da Catedral de Santiago froito dos traballos iniciados por él no ano 1993 no proxecto de reconstrución dos mesmos baixo o patrocinio da Fundación Barrié de la Maza.

Malandaça

Xurde Malandaça dos confíns da Terra, onde remata o camiño de Santiago. E xurde como un eco do que tanto nos chegou, da música, a palabra, a carne é máis da pedra.

Os compoñentes de Malandaça entendemos a música medieval coma un territorio no que a interpretación e a investigación son asuntos inevitables e interdependentes. Nada val a unha sen a outra.

Nas últimas décadas o interese pola música antiga tenos permitido a recuperación de estilos musicais xa perdidos. Nese proceso interveñen diferentes factores: as partituras orixinais, con toda a información directa do compositor, en primeiro lugar; a intormación escrita, tratados, comentarios, cartas con referencias a veladas musicais e todo aquilo que nos diga algo encanto aos distintos xeitos de facer música e o contexto no que se facía; e naturalmente, os instrumentos, que coas súas virtudes e defectos son os grandes mestres do intérprete.

No caso da música medieval a ruptura da tradición é grande. Oitocentos anos sepáranos da orquestra do Portico da Gloria, e nese tempo sucederon tantas cousas, tantos acontecementos artísticos e guerreiros, tanta luz e tanto lume, que aos humanos do século XXI nos custa caro imaxinar o que tal puido escoitar Alfonso X nunha saa do seu pazo, un día de festa, ou na súa tenda tras a batalla, ou o consolo que lle producía a música dos xograres mentres xacía doente na cama, apertado ao libro dos Miragres de Santa María.

A partires das investigacións realizadas pola que asina, só e en compañía doutros, sobre os instrumentos medievais representados no Pórtico da Gloria da catedral Compostelá, e no Pazo de Xelmírez; abríusenos de vez un mundo diante nosa, non só de instrumentos sonoros, senon de ideas, imaxes e voces da que críamos tan lonxana Idade Media. Ante aquel esplendor místico e arquitectónico non cabía senon recobrar o outro esplendor, o invisible: a música.

Contando xa co son dos instrumentos, quedábanos averiguar o xeito de abordar a súa interpretación, os seus recursos, aprender a explorar a súa capacidade de virtuosismo. Así, xuntamos a música dos trovadores, que a imaxinar o paraíso inventaron o amor, e a palabra que crea o mundo, e a imaxe, que todo nos aprende.

Destá tarefa Malandaça, realizou concertos por distintos festivais e auditorios onde se interpreta música antiga: Auditorio de Galicia, Festival de Música Antigua de Sajazarra, Festival internacional no Camino de Santiago, Festival de Música Antigua de La Laguna entre outros.

Publicou as seguintes grabacións discográficas: “Unha noite na corte do Rei Afonso” dedicado ás cantigas de Santa María do rei Afonso X “o Sabio” e “Mya Senhor Velida”, dedicado á lírica mariana medieval en Francia e Galicia. Esta grabación foi nominada nos premios ICMA (International Classical Music Awards) como mellor disco de música antiga do ano 2019.